




Broj: 01-50-1-15-19/15

Sarajevo, 28.10.2015.



DOM NARODA
PARLAMENTARNE SKUPŠTINE
BOSNE I HERCEGOVINE

Predmet: O b a v j e š t e n j e

Predstavnički dom Parlamentarne skupštine BiH je na 19. sjednici, održanoj 28.10.2015., razmatrao materijale koji su u nadležnosti i Doma naroda, o čemu vas obavještavam kako slijedi:

1. Zahtjev Doma naroda Parlamentarne skupštine BiH za razmatranje Prijedloga zakona o dopuni Zakona o jedinstvenom matičnom broju po hitnom zakonodavnom postupku, u skladu s članom 133. Poslovnika Predstavničkog doma Parlamentarne skupštine Bosne i Hercegovine, zakon broj: 01,02-02-1-19/15, od 15.10.2015.;
2. Prijedlog zakona o dopunama Zakona o zaštiti potrošača u BiH, predlagач: Vijeće ministara BiH, zakon broj: 01,02-02-1-16/15, od 7.9.2015. (drugo čitanje);
3. Prijedlog zakona o strancima, predlagач: Vijeće ministara BiH, zakon broj: 01,02-02-1-17/15, od 11.9.2015. (drugo čitanje);
4. Izvještaj o izvršenju Budžeta institucija BiH i međunarodnih obaveza BiH za 2014. godinu, materijal Predsjedništva BiH, broj: 01,02-16-1-844/15, od 29.6.2015.;
5. Izvještaj o finansijskoj reviziji Izvještaja o izvršenju Budžeta institucija BiH i međunarodnih obaveza BiH za 2014. godinu, materijal Ureda za reviziju institucija BiH, broj: 01-16-1-1243/15, od 29.9.2015.;
6. Izvještaj o izvršenoj reviziji učinka o temi: „Energetska efikasnost u institucijama BiH“, materijal Ureda za reviziju institucija BiH, broj: 01/4-16-1-1087/15, od 31.7.2015;
7. Imenovanje tri ombudsmena za ljudska prava Bosne i Hercegovine, materijal Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine, broj: 01,02-50-14-469-6,1/15, od 14.10.2015.;
8. Imenovanje generalnog revizora i zamjenika generalnog revizora Ureda za reviziju institucija BiH, materijal: Privremene zajedničke komisije oba doma Parlamentarne skupštine BiH za provođenje procedure za imenovanje generalnog revizora i zamjenika generalnog revizora Ureda za reviziju institucija BiH, broj: 01,02-50-14-1060-5,4/15, od 22.10.2015.;
9. Davanje saglasnosti za ratifikaciju Izmjene Sporazuma o grantu u okviru nacionalnog programa IPA 2010 za Bosnu i Hercegovinu – Dio I. – Vodovod i kanalizacija u

Republici Srpskoj, sklopljen između Bosne i Hercegovine i Evropske investicione banke 6.11.2012. u Luksemburgu i 20.11.2012. u Sarajevu, broj: 01,02-05-2-1295/15, od 12.10.2015.;

10. Davanje saglasnosti za ratifikaciju Ugovora o grantu (Projekat centralnog grijanja Prijedor) između Bosne i Hercegovine i Republike Srpske i Toplana a.d. Prijedor i Evropske banke za obnovu i razvoj koji se odnosi na investicioni grant iz SIDA-EBRD Fonda za ekološke i klimatske programe, broj: 01,02-05-2-1303/15, od 13.10.2015.;
11. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Savezne Republike Njemačke o finansijskoj saradnji u 2012. godini, broj: 01,02-05-2-1304/15, od 13.10.2015.;
12. Davanje saglasnosti za ratifikaciju Sporazuma o izmjenama Sporazuma između Vijeća ministara Bosne i Hercegovine i Vijeća ministara Republike Albanije o uzajamnim putovanjima državljana, broj: 01,02-05-2-1319/15, od 15.10.2015.

Ad.1.

Predstavnički dom **usvojio je** Zahtjev Doma naroda Parlamentarne skupštine BiH za razmatranje Prijedloga zakona o dopuni Zakona o jedinstvenom matičnom broju po hitnom zakonodavnom postupku, u skladu s članom 133. Poslovnika Predstavničkog doma Parlamentarne skupštine Bosne i Hercegovine, nakon čega **je usvojen** i navedeni prijedlog zakona.

Ad.2.

Predstavnički dom **usvojio je u drugom čitanju** Prijedlog zakona o dopunama Zakona o zaštiti potrošača u BiH, predlagač: Vijeće ministara BiH.

Ad.3.

Predstavnički dom **usvojio je u drugom čitanju** Prijedlog zakona o strancima, predlagač: Vijeće ministara BiH. Time su usvojeni i amandmani sadržani u Izvještaju Zajedničke komisije za ljudska prava, koji glase:

Amandman I.

U Prijedlogu zakona o strancima član 50. stav (2) mijenja se i glasi:

„(2) Privremeni boravak iz stava (1) ovog člana, na zahtjev stranca koji dolazi u BiH radi spajanja porodice, može se odobriti uz uslove iz člana 49. (Opći uslovi za odobrenje privremenog boravka) ovog zakona, ako:

- a) državljanin BiH, stranac s odobrenim boravkom u BiH ili stranac s priznatim izbjegličkim statusom ima osiguran smještaj za sebe i članove porodice za koje traži odobrenje boravka po osnovu spajanja porodice, te da ima stalni izvor prihoda, odnosno da raspolaže dovoljnim sredstvima za izdržavanje u BiH lica za koja se traži spajanje porodice i
- b) državljanin BiH, stranac s odobrenim boravkom u BiH ili stranac s priznatim izbjegličkim statusom ima zdravstveno osiguranje za sebe i članove porodice za koje traži odobrenje boravka po osnovu spajanja porodice.“

Amandman II.

U Prijedlogu zakona o strancima član 122. stav (4) mijenja se i glasi:

„(4) Stranac kojem se utvrđuje identitet ili koji nezakonito boravi ili kojem je izrečena mjera protjerivanja iz BiH ili mjera stavljanja pod nadzor ili je u postupku izdavanja potvrde o ostanku dužan je organizacionoj jedinici Službe dati potpis, te biometrijske podatke koji sadrže fotografiju i otiske deset prstiju. Otisci prstiju ne uzimaju se od djece koja su mlađa od 14 godina.“

Ad.4.

Predstavnički dom **usvojio je** Izvještaj o izvršenju Budžeta institucija BiH i međunarodnih obaveza BiH za 2014. godinu, materijal Predsjedništva BiH.

Ad. 5.

Predstavnički dom **usvojio je** Izvještaj o finansijskoj reviziji Izvještaja o izvršenju Budžeta institucija BiH i međunarodnih obaveza BiH za 2014. godinu, materijal Ureda za reviziju institucija BiH. Dom je usvojio i dva zaključka sadržana u Mišljenju Komisije za finansije i budžet, kao i dva zaključka koja je u raspravi predložila poslanica Aleksandra Pandurević. Usvojeni zaključci glase:

1. ***„Predstavnički dom traži od Vijeća ministara BiH da izvrši detaljnu analizu sadržaja revizorskog izvještaja za 2014. godinu, te izradi i u roku od 90 dana dostavi Predstavničkom domu akcioni plan (s tačno definiranim zaduženjima, nosiocima aktivnosti i rokovima) za realiziranje revizorskih preporuka po Izvještaju o finansijskoj reviziji Izvještaja o izvršenju Budžeta institucija Bosne i Hercegovine za 2014. godinu.***
2. ***Predstavnički dom traži od Vijeća ministara BiH i Predsjedništva BiH da u zakonom predviđenom roku u parlamentarnu proceduru dostave Prijedlog zakona o budžetu institucija BiH i međunarodnih obaveza BiH za 2016. godinu.***

3. *Traži se od Vijeća ministara BiH da odmah pristupi realiziranju nalaza i preporuka iz Izvještaja o finansijskoj reviziji Izvještaja o izvršenju budžeta institucija BiH za 2014. godinu, te da do 30. juna 2016. Parlamentarnoj skupštini BiH dostavi Informaciju o realiziranju nalaza i preporuka iz Izvještaja o finansijskoj reviziji Izvještaja o izvršenju budžeta institucija BiH za 2014. godinu.*
4. *Zadužuje se Ministarstvo finansija i trezora BiH da Parlamentarnoj skupštini BiH dostavi sveobuhvatne izmjene i dopune Zakona o plaćama i naknadama, kojima će se riješiti i pitanje plaća i naknada za policijske službenike zaposlene u svim policijskim agencijama na nivou BiH, te da donese podzakonski akt kojim će se urediti poseban dodatak policijskim službenicima.“*

Ad.6.

Predstavnički dom *usvojio je* Izvještaj o izvršenoj reviziji učinka o temi: „Energetska efikasnost u institucijama BiH“, materijal Ureda za reviziju institucija BiH.

Na prijedlog poslanika Mirsada Donlagića, usvojen je sljedeći zaključak: „*Traži se od Vijeća ministara BiH da odmah pristupi realiziranju zaključaka koji proizilaze iz nalaza revizije o energetske efikasnosti u institucijama BiH. To se, prije svega, odnosi na izradu plana i programa racionalnog korištenja energije u institucijama BiH.*“

Ad.7.

Predstavnički dom *imenovao je* tri ombudsmena za ljudska prava Bosne i Hercegovine, materijal Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine, a to su: Ljubinko Mitrović, Jasminka Džumhur i Nives Jukić.

Ad.8.

Predstavnički dom *imenovao je* generalnog revizora i zamjenika generalnog revizora Ureda za reviziju institucija BiH, materijal: Privremene zajedničke komisije oba doma Parlamentarne skupštine BiH za provođenje procedure za imenovanje generalnog revizora i zamjenika generalnog revizora Ureda za reviziju institucija BiH. Za generalnog revizora imenovan je Dragan Vrankić, a za zamjenika generalnog revizora Ureda za reviziju institucija BiH imenovan je Ranko Krsman.

Ad.9. – 12.

Predstavnički dom *dao je saglasnost* za ratifikaciju:

- Izmjene Sporazuma o grantu u okviru nacionalnog programa IPA 2010 za Bosnu i Hercegovinu – Dio I. – Vodovod i kanalizacija u Republici Srpskoj, sklopljen između Bosne i Hercegovine i Evropske investicione banke 6.11.2012. u Luksemburgu i 20.11.2012. u Sarajevu,
- Ugovora o grantu (Projekat centralnog grijanja Prijedor) između Bosne i Hercegovine i Republike Srpske i Toplana a.d. Prijedor i Evropske banke za obnovu i razvoj koji se odnosi na investicioni grant iz SIDA-EBRD Fonda za ekološke i klimatske programe,
- Sporazuma između Vijeća ministara Bosne i Hercegovine i Vlade Savezne Republike Njemačke o finansijskoj saradnji u 2012. godini i
- Sporazuma o izmjenama Sporazuma između Vijeća ministara Bosne i Hercegovine i Vijeća ministara Republike Albanije o uzajamnim putovanjima državljana.

Radi informiranja, obavještavam vas da je Predstavnički dom usvojio poslaničku inicijativu Senada Šepića, koja glasi: „*Predstavnički dom Parlamentarne skupštine BiH obavezuje Kolegij da u pripremi i utvrđivanju dnevnog reda, kvartalno, utvrdi obaveznu tačku dnevnog reda pod nazivom: Informacija Vijeća ministara BiH o realiziranju obaveza BiH na evropskom putu i stepen ispunjavanja obaveza BiH iz Akcionog plana za realiziranje Reformske agende za BiH za period 2015.-2018. godina. Predlažem da Kolegij Predstavničkog doma uvrsti ovu inicijativu kao tačku dnevnog reda na narednoj sjednici Predstavničkog doma PSBiH.*“



